

Phil-IRI Pangkatang Pagtatasa sa Pagbasa, Baitang 3

Panuto: Basahin nang tahimik ang bawat kuwento. Pagkatapos, basahin ang mga tanong at isulat ang titik ng tamang sagot sa sagutang papel.

Reyna ng Duwende

Selina ang pangalan
ng reyna ng mga duwende.
Lagi siyang nakaupo
sa malaking balde.
Berdeng balde ang paborito niya
at balat ng saging
ang korona niya.
O! Kay saya ni Reyna Selina!

- ☐ 1. Para saan ang balde ng reyna? (Literal)
a. Upuan ito ng reyna. b. Ginagamit ito sa paglalaba. c. Lalagyan ito ng tubig ng reyna.
- ☐ 2. Ano ang nararamdaman ng reyna? (Literal)
_____ ang reyna.
a. Nag-aalala b. Natutuwa c. Napapagod
- ☐ 3. Alin sa sumusunod ang sinasabi sa kuwento? (Paghinuha)
a. Hinahawakan ng mga duwende ang korona.
b. Ang korona ay may mamahaling diamante.
c. Galing sa prutas ang korona ng reyna.
- ☐ 4. Saan kaya naganap ang kuwento? (Paghinuha)
Naganap ang kwento sa _____.
a. kaharian ng mga balde b. kaharian ng mga saging c. kaharian ng mga duwende
- ☐ 5. Bakit kaya sinulat ang "Reyna ng Duwende"? (Pagsusuri)
a. Hatid nito ang isang balita. b. Nais nitong magbigay-aral
c. Nais nitong magbigay ng aliw.

Manonood Ako!

May karera ng kotse.
Makukulay raw ang mga kotse.
Manonood ako ng karera.
Magdadala ako ng kamera.
Magsisimula na ito.
Sasakay na ako sa bisikleta.
Mabilis ang andar ko.
Naku! Dumulas ang bisikleta!
Aray! Kay raming putik ng tuhod ko!

- ☐ 6. Saan papunta ang bata sa kuwento? (Literal)
Papunta ang bata sa _____.
a. parada ng mga kotse b. karera ng mga kotse c. karera ng mga bisikleta
- ☐ 7. Alin sa sumusunod ang nagsasabi tungkol sa mapapanood ng bata? (Literal)
a. Madaming bisikleta rito. c. Makukulay ang mga bisikleta rito.
b. Makukulay ang mga kotse rito.
- ☐ 8. Bakit kaya mabilis ang andar ng bata? (Paghinuha)
a. Gusto niyang mapanood ang karera.
b. Sasali siya sa makulay na parada.
c. May kaibigan siya sa karera.
- ☐ 9. Alin sa sumusunod ang nagpapakitang nasaktan ang bata sa kuwento? (Paghinuha)
a. Mabilis and andar ko. C. Aray! Kay daming putik ng tuhod ko!
b. Naku! Dumulas ang bisikleta!
- ☐ 10. Alin sa sumusunod ang isa pang magandang pamagat para sa kuwento? (Pagsusuri)
a. Parada ng mga Kotse b. Karera ng mga Kotse c. Karera ng Bisikleta